


An-chingara **Isolo** Ka-dongchakama?



Amazing Facts
Poraiani

25

Na·ara

Isolo ka-dongchakama –
ka-dongchakbebeama? Bebeko

agangenchimode, bang-a manderangan oe
ka-dongchaka ine aganaba donga, indiba
uamangni kamrangde indake ong-ja.

Aro namjabatade, uamangni Uo
ka-dongchakgijanichi, haida uamang
Uoniko cha-ugiparang ong-skanaba
donga! Na-a aganaba donga “Maidakesa!
Darangba Isolonikode cha-ujawa.”

Indiba Isolni An-tang manderangna
jagokmanpilgipa kattara, “Na-simang
Angoniko togie ra-aha!” (Malaki 3:8) ingipan ong-a.

Chong-motgipa see rakkianirang indake sakkiko on-a je billionni billion manderang Isoloniko cha-ua,
aro iako nikna aiao inmanpilani ong-naba donga, uamang an-tangtangni simsakgija jakkale uarangna
gapatna ine ua cha-ugimin tangkarangko jakkala! Indiomangba bang-an an-tangtangni cha-uanirangko
ma-sitokjaenga. Ia Poraiani o, maikai ia apsan dakgualaniko gelna gita man-gen aro maikai Isolo
kakketgipa bebera-anichi silrorona gita man-gen uarangko chinga mesokgen.



1

Sastroni gita, an-chingni man-giminrangoni badita bak Isolni ong-a?

“A-ani pilak bak chikkungni bak sa ... Jihovanin ong-a”
(Levirangni 27:30).



Aganchakani: Bak-chikkungni bak-sa ba tithe Isolni ong-a.

2

Maiko “bak-chikkungni bak-sa ba tithe” minga?

“ToRomrangna tambuna uamangni dangdike on-ani gimin,
man-rikani ine, Anga Isrealo Levini dedrangna pilak bak chikkungni
bak sa praprakko on-aha” (Chanani 18:21).

Aganchakani: Ia tithe ba bak-chikkungni bak-sara mande saksani
man-giminoni bak-sa ong-a. “Tithe” ingipa kattani ortoa “chikkunggipa” ine
ong-a. Ia tithe ba bak-chikkungni bak-sa Isolni ong-a. Uan Unin ong-a. An-ching
uarangko rakkina mamung bil dongja. Jensalo an-ching ia bak chikkungni bak
sako on-engon, an-ching uko indin on-ani ba gift gita on-jaenga; an-chingnide Uni
man-gnikosa Una on-pilskaenga. An-chingni man-giminrangoniko bak chikkungni
bak sako chu-gimik on-jagenchimode, an-ching tithe on-a ga-akjaenga.



3

Isol An-tang manderangko ia bak-chikkungni bak-sakoa banona ra-bachina agana?

"Na-simang bak chikkungni bak sani gimikko bandalona ra-babo" (Malaki 3:10).

Aganchakani: Bak chikkungni bak sako Uni bandalona ra-bachina Isol agana.

4

Maiko Isolni "bandal" minga?

"Unon Juda gimik mirangni bak chikkungni bakrangko, aro gital draka bitchiko, aro toko gam donchakramrangona ra-baaha"

(Nehemia 13:12).

Aganchakani: Malaki 3:10 o, Isol ia bandalkoa "Angni Nok" ine agana, jeni miksonganian Uni nok ba gilja nok ong-a.

Nehemia 13:12, 13 o, bak chikkungni bak sarangko gam donchakramrangona ra-babo ine rongtalbate agana, jean Isolni bandal ong-a. Minggipin podrang jerangan ia bandalko Isol nok, gam donchakram, ba Isolni nokdring ine agangiparagara

1 Serikani 9:26; 2 Serikani 31:11, 12; aro Nehemia 10:37, 38 rangon ong-a. Niam Gitchamni somoio, Isolni manderang uamangni pilak man-aoniko – me-su samjak aro batburungrangko man-chape – bak 10ko bandalona ra-batokachim.

5

Bak chikkungni bak sako on-ania Moseni somoio dakdiligpa dakbewalrang aro manianirangsa ine mitamrang chanchia, jean chisolo bon-atako man-aha. lara ong-bebeama?

"Unon ua [Abram] pilak bostuni bak-chikkungni bak-sako una on-aha" (Abachenga 14:20). Aro Abachenga 28:22 o, Jakob indake agana, "Nang-ni on-gimin gimikoniko anga bak-chikkungni bak-sako Nang-na on-chongmotgen."

Aganchakani: Ia kattarang Abraham aro Jakob, uamang sakgnian bak chikkungni bak sako uamangni man-giminranganiko on-aha ine paraka, jemangan Moseni salrangna inditan skange janggi tangsoahachim. Uni gimin an-ching indake agana man-gen je ia Isolni dongimin bak chikkungni bak sara Moseni niamo bon-chongdikeja indiba pilak somoini pilak manderangan ong-a.



6

Niam Gitchamni salrango bak chikkungni bak sakoa maina jakkala?

“ToRomrangna tambuna uamangni dangdike on-ani gimin, man-rikani ine, Anga Isrealo Levini dedrangna pilak bak chikkungni bak sa praprakko on-aha” (Chanani 18:21).

Aganchakani: Niam Gitchamo ia bak chikkungni bak sakoa kamalrangni man-gni dake jakkalaha. Levi ma-chong (jemangan kamalrang ong-achim) ge-na gama aro pala simaniko dakna gita mamung a-ani bakon man-pajachim, jen somoion gipin ma-chong chi-sade uarango man-tokachim. Ia Levi ma-chonga toRomrangna nokdringo simsakna aro Isolni manderangna dangdike on-na gita chu-gimik kamrangko ka-achim. Uni gimin ia kamalrangko aro uamangni nokdangrangko bak chikkungni bak sachi aldu mitangna Isolni miksongania ong-achim.



7

Isol, bak chikkungni bak sani bidingo Uni miksonganirango Niam Gitalni salrango dingtangatahama?

“Rongtalgipa bosturangni kam ka-giparang toRomrangna nokoniko cha-a, aro ganchio dangdike on-giparang ganchi baksa bak man-paa ine na-simang u-ijama? Uandake nama kattachi tangchina Gitel nama kattako aganprakgiparangna donaha” (1 Korinthingrana 9:13, 14).

Aganchakani: Dingtangatja. Ua uko dakangkua, aro jemangan nama kattana dangdike on-ani kamrangko ka-engachim uamangko bak chikkungni bak sachi dakchakna da-alo Isolni miksongani ong-a. Sakantian bak chikkungni bak sako on-tokgenchimode aro uarango nama kattako gipatna kam ka-giparangko dakchakna namedake kimkime jakkalgenchimode, bon-kaman-somoini Isolni nama kattako a-gimikona ta-rake gipangatna gita agitchapile tangka paisarang donggenchim.

8

Indiba Jisu ia bak chikkungni bak sako on-anikora bon-atangjama?

“Aiao na-simang, Sastro skigiparang aro Pharisirang, cha-chipilgiparang! maina na-simang podina aro guamori aro jirani bak chikkungni bak sako on-a, indiba niamni jrimbatarangko, chong-motan bichal, aro ka-sachaka, aro bebera-ako wataha; iarangko dakna nangachim, aro ukoba watna nangjachim” (Mati 23:23).

Aganchakani: Bon-atangja. Batesa, Jisu uko dakchina didia. Jihudirang bak chikkungni bak sako kakkete on-genchimomangba uamangni niamni nangchongmotbatgiparangko chong-motan – kakket bichal, ka-sachakani, bebera-anirangko – gimaatenganina Ua manengaha. Unikoa Ua uamangna rongtale agandapkuaha je uamang bak chikkungni bak sarangko kakketen on-angkuna nanga, aroba kakket bichalko daggipa, ka-sachakgipa aro bebera-aniko watgalgijagipaba ong-na nanga.



9

Bak chikkungni bak sako on-anio jajagipa manderangna Isol maidagkipa aiao inmanpilgipa kattarangko agana?

“Na-simang bak chikkungni bak sani gimikko bandalona ra-babo ... da-o iachi Angko dake nibo ine Kotokrangni Jihova agana, Anga na-simangna salgini kelkirangko oe, na-simangna pattianiko chakjapile rudapgenma rudapjawa” (Malaki 3:10).



Aganchakani: Ua agana, “da-o iachi Angko dake nibo” aro Anga na-simangna indagkipa pattianiko on-gen jekon na-simang ra-chakna chakjapilgen! Iano mangmangsan Isol, Sastroo indagkipa agananiko daka. Ua indake aganenga, “Dake nibo. Ian ong-chongmota. Anga na-simangna ku-rachaka.” “Ia bak chikkungni bak sako on-anio Isolni kakketgipa ku-rachakaniko ritichani riticha, hajalni hajal bak chikkungni bak sako on-giparang a-gimiko dake nigen. Uamang “Na-a Isolna on-changgalna man-ja” ingipa kattarangni bebe ong-aniko skie ra-manaha.

10

Jensalo an-ching bak chikkungni bak sako on-on, an-chingni tangkarangkoa sawamancha man-soenga?

“lanode signi manderang bak chikkungni bakrangko ra-a; indiba uanode Ua [Jisu] uarangko ra-a” (Ibirangna 7:8).

Aganchakani: Jisu, salgini an-chingni Dal-gipa Kamal, bak chikkungni bakrangko man-soa.



11

Maidakgipa dake nianio Adam aro Hoba chu-sokjaha – Uni songnoko bak man-pana gita je dake nianikon an-ching sakantian chu-sokgipa ong-na nangengachim?

Aganchakani: Isolni iade uamangni ong-ja ine agangipako uamang ra-sekaha. Isol, Adam aro Hobana bol pangsa – nama-namgijako u-iani bolni bitena agre – Barini pilak bolni biterangkon on-ahachim (**Abachenga 2:16, 17**). Uko cha-na gita ua bolni bitede uamangni ong-jachim. Indiba uamang Isolo ka-dongchakjaha. Uamang ua biteko cha-aha aro ga-akaha – unikode ia bakrobegipa, namjabegipa, saknabegipa a-gilsakni pap Abachengaha. Da-oni manderangna, Isol An-tangni man-e cha-aniko, gisik nganganiko, aro salgini pilak pattianirangkon on-a. Isolni an-chingoniko am-anide an-chingni man-giminrangoni bak chikkungskosan ong-a (**Levirangni 27:30**), aro jedake Adam aro Hobana ong-achim, uandaken Ua drae ra-ja. Ua uko an-chingni jaksokaon dona indiba indake agana, “Uko ra-nabe. Uan rongtala. Uade Angnisa ong-a.” Jensalo an-ching ma-siteleba Isolni bak chikkungni bak sako ra-a aro uko an-tangna jakkalna kradraata, unon an-chingba Adam aro Hobani pap ka-gipa apsanikon daktaigiparang ong-a, aro indake dakanichi an-chingko Piokgipao ka-dongchakgijaniko mesoka. Isol tangkako nangade ong-ja, indiba Ua an-chingni kakket dakaniko aro ka-dongchanganiko nangnika.



Isolko Nang-ni Ka-rimgipa Ripeng Dakbo

Jensalo na-a Isolna bak chikkungni bak sako on-pilon, nang-ni pilak kamko ka-anirangon na-a Uko ka-rimgipa ripeng dakmanaha. Aiao mairongpilgi-pa, pattiaiko man-gipa: Isol aro na-a – ka-rimgipa ripeng ong-ani! Unbaksa ka-rimgipa ripeng ong-anio, nang-na pilakon man-gnirarasa ong-aia aro uano gimaani dongja. Indioba, Isolni a-kanggipa tangkako ra-genchimode aro uko an-tangni nanganinasa jakkalna miksonggenchimode namen kenbegnigipa kam ong-skaa, jekon Ua janggirangko jokatna ine donmanahachim.

12

Bak-chikkungni bak-sana agre, maiarang Isolni ong-a, An-tangni manderangoniko maiarangko Isolara bi-a?

“On-aniko ra-bae Uni sa-rarangona napbabo” (**Gitrang 96:8**).

Aganchakani: Uni kamna an-chingni Una ka-saaniko mesokpilna aro Uni pattianirangna mitelaniko dakna gita on-anirangko ra-bachina Isol an-chingoniko bi-a.



13

On-anirangkoa anga baitako Isolna on-na nanggen?

"Jajrenga gita, ba nanga gita ong-gija, sakanti ka-tongtangtango mangsonga gita on-china; maina Isol ka-sroke on-gipana ka-sara"
(2 Korinthisrangna 9:7).

Aganchakani: On-anirangko dingtangmancha indita on-bo ine Sastroo janapa dongja. Badita on-na nanga, mande sakantian see ra-china aro unikode uko on-anio ka-srokchina, maina Isol indake dakanio katchara.



14

On-ani bidingo Sastroni gita maidakgipa niam ba dakna nanganirangko Isol an-ching baksa sualrima?

Aganchakani:

- A. An-chingni skanggipa dakna nanganiara an-tangtangko Isolna on-kanganian ong-a (2 Korinthisrangna 8:5).
- B. An-ching an-chingni nambatsranggiparangkosa Isolna on-na nanga (Toe Skianirang 3:9).
- C. Gisiko ske on-gipana Isol pattia (Toe Skianirang 11:24, 25).
- D. Ra-chakana bate on-anio pattiani bang-bata (Watatarang 20:35).
- E. Jensalo alaksi daka, Isolni an-chingna on-gimin pattianirangko an-ching tik ong-e jakkaljaenga (Luk 12:16-21).
- F. An-chingni on-anirangna bate Isol pattipilskaa (Luk 6:38).
- G. Jedake Isol an-chingko silroraata aro an-chingna pattia ugitan an-chingba on-daprorona nanga (1 Korinthisrangna 16:2).
- H. An-chingni man-a gita an-ching on-na nanga (Deuteronomy 16:17).

An-ching bak chikkungni bak sako Isolna on-pila, jean Unin ong-achim. An-ching on-anirangkoba Una on-a, jean skatang gita aro ka-sroke on-nani ong-a.



15

Maiarang Isolni ong-a?

Aganchakani:

- A. A-gilsakni pilak rupa aro sona (Haggai 2:8).
- B. A-gilsak aro uno donggipa pilak manderang (Gitrang 24:1).
- C. A-gilsak aro uno donggipa pilakan (Gitrang 50:10-12). Indiba Ua manderangko An-tangani namen mani cha-beanirangko jakkalchina bilko on-aha. Gamrangko chimongna aro man-dapaniko dakna gitaba Ua uamangna u-iani aro bilko on-aha (Deuteronomy 8:18). Pilak nanganirangko on-anina on-pilaskaani gita Isolni an-chingoniko bi-anide, an-chingni nanganirangna an-chingni kam ka-anirango Uni dal-begipa dakchakaniko u-ina ine 10 percentko Una on-pilskachina Uni bi-anian ong-a – aroba, an-chingni Una ka-saaniko aro mandera-aniko mesokna ska gita on-anirangkoba apsandaken on-china bi-a.



16

Jemangan Uni 10 percent aro ska gita on-anirangko on-pilskagijagipa manderangkoa Isol badine ina?

“Mande Isoloniko togie ra-genma? Indiba na-simang Angoniko togie ra-aha. Indiba na-simang agana, Chinga Nang-oniko maikai togie ra-aha? Bak chikkungni bakrango aro on-anirango” (Malaki 3:8).

Aganchakani: Ua uamangko togie ra-gipa ine ina. Manderangni Isoloniko togie ra-aniko na-a chanchie niahama?



17

Jemangan bak chikkungni bak sarango aro on-anirango ma-sieba togie ra-angkugipa manderangna mai ong-gen ine Isol agana?

“Na-simang saochi sao on-ako man-aha; maina na-simang ... Angoniko togie ra-a” (Malaki 3:9). “Ba cha-ugiparang, ba mikbokgiparang, ba pekkiparang, ba saigiparang, ba cha-bokkiparang Isolni songnokko man-rikjawa” (1 Korinthirangna 6:10).

Aganchakani: Uamangni kosako sao sokbagen aro uamang salgini songnokko man-rikjawa.



18

Mikbokrakani kosako Isol mikrakataniko on-a. Maini gimin uara namen kenbegnigipa ong-a?

“Maina jeo nang-ni gam, unon nang-ni ka-tongba ong-gen” (Luk 12:34).

Aganchakani: Maina an-chingni ka-tongrang an-chingni gamrangko man-dapna rikaniko ja-rika. Bang-bata tangkarangko bate, bate man-daprona chimonganio an-ching an-chingni gisikrangko dongenchimode, an-chingni ka-tongranga mikbokkrakgipa, chu-ongnikgijagipa aro gangbo dakgipa ong-gen. Indioba an-ching an-chingni gisikrangko sakgipinrangna sualrimanio, dakchakanio aro Isolni kamo dongenchimode, an-chingni ka-tongrang simsakgipa, ka-sagipa aro sontolgipa ong-skagen. Mikbokrakaniara bon-kamman salrangni namjabegipa paprangoni mingsa ong-a jean manderangni salgichi doaniko bon-chongdikatgen (2 Timothy 3:1-7).



19

Jensalo an-ching Uni
rongtalgipa bak-chikkungni
bak-sa aro on-anirango

Uko togie ra-on, Jisu maiko chanchia?

“Uni gimin anga ia chasongko namnikjaha; aro aganaha,
lamang ka-tongo pangnang branganga” (Ibrirangna 3:10).

Aganchakani: Ma-a paani tangkako detangni cha-uao
jedake ma-a paarang chanchia ba namnikja uandaken Uaba daka.
Iano tangkani giminde dal-gipa neng-nikani ong-ja. Iano bi-sani
kakketgijani, ka-saani griani aro ka-dongchakgijanisa ning-tue
gisiko duk ong-ata.



20

Makedoniao donggipa bebera-giparangni tangka ba gam
jinrangko jakkalani bidingo, maidakgipa aiao inmanpile
katchaani kattarangko Sastro gamchate mesoka?



*Ka-saani, Makedoniao donggipa Isolni
manderangko Jerusalemo ong-gipa akal
karapchi Kristianrangni neng-nikanirangko
man-enggiparangna jaksrame tangkarangko
on-giparang ong-ataha.*

Aganchakani: WatatarangPaul, Jerusalemo bakrobegipa akal
karapchi neng-nikanirangko man-enggipa Isolni manderangna
tangkarangko chamchina janape Makedoniao donggipa mondolirangna
seataha. Jensalo ua uamangni songjinmarangona re-angtaion ia
on-anirango an-tangan ra-bajolgen ine Paul uamangna aganataha.
Makedoniao donggipa mondolirangni aiao inmanpilgipa
aganchakataniko, **2 Korinthirangna Odai 8** o talataniara ka-tongko
moatpile didiani ong-a:

- A. **Pod 5** – Skanggipao, uamang an-tangtangni janggi
tanganiko Jisu Kristona on-kangpilitaiaha.
- B. **Pod 2, 3** – Uamang an-tangtangan kangalgiparang
ong-genchimoba, an-tangtangni bil amana batpile uamang
on-aha.
- C. **Pod 4** – Uamang uamangni on-anirango ra-echina Paulko
mol-molaha.
- D. **Pod 9** – Uamangni on-anirango Jisuni on-kanggipa
dakmesokaniko uamang ja-rika.

U-ie Ra-ani: An-ching Jisuna ka-sabebegenchimode, Uni kamna
on-kange on-aniranga an-chingko neng-nikatgipa ong-jawachim
indiba ua katchabegipa cholsa ong-skagenchim je an-ching uko
namen kusi ong-bee dakgENCHIM.

21

Bak-chikkungni bak-sao aro on-anirango kakketgiparangna maidakgipa ku-rachakaniko Isol daka?

“Na-simang bak chikkungni bak sani gimikko bandalona ra-babo, maikai Angni noko cha-ani donggen, da-o iachi Angko dake nibo ine Kotokrangni Jihova agana, Anga na-simangna salgini kelkirangko oe, na-simangna pattianiko chakjapile rudapgenma rudapjawa. Aro na-simangni a-sel Anga cha-minokgipako manenggen, aro ua na-simangni a-ani biterangko rurongatjawa ine kotokrangni Jihova agana. Aro pilak jatrang na-simangko kusi ong-gipa ine minggen; maina na-simang an-senggipa a-song ong-gen ine kotokrangni Jihova agana” (Malaki 3:10-12).



Aganchakani: Tangka jakkalanio kakketgipa An-tangni manderangko silroroatna Isol ku-rachaka, aro uamangni samtangtango donggiparangna uamang pattiani ong-skagen.

Isolni Pattiani Cholrangko Ka-mao Segiminrangko Chanchiate Nibo:

- A. Nang-ni chu-gimik man-anina bate nang-ni bak-chikkungni bak-sku Uni pattian baksa jakkalanio chu-ongbatgipa ong-gen. Na-a iako jajaengode, bak-chikkungni bak-sako kakkete ong-gipa mandeo sing-bo!
- B. Pattianirang pangnande tangka paisao ong-ja. Uarang haida an-seng baljokanio, gisikni tom-tomanio, bi-aniko aganchakanio, chelchakanio, nokdango meli-nangrimanio aro ka-sagrikonio, be-en bimangni gita bilak mangrakonio, gisik seng-e basena changanio, mitelpilna skani gisiko, Jisu baksa chapchap nangrimanio, janggirangko ambaanio, gitchanggipa garini namkuenganio, aro uandakgiparango ong-skanaba donga.
- C. Pilakon Ua nang baksa kam ka-rimgipa ripeng ong-gen. Isolna agre darangba chu-soksranggipa, aiao imanpile namgipa miksonganirangko dakna man-jawa.

22

Nang-ni ka-saani aro mitelpilaniko kamchi mesokna ine bak-chikkungni bak-sa aro on-anirango on-na a-bachengna gita na-ara skengama?

Nang-ni Aganchakani:



Nang·ni Sing·anirangna Aganchakaha

1. Angni bak-chikkungni bak-sako angni mondolio jakkalani bewalko anga namnikjaora, anga uko on-anikoa dontongboma?

Aganchakani: Bak-chikkungni bak-sako on-china ge-etaniara Isolonisa ong-a. Bak-chikkungni bak-sara rongtalgipa tangkarang ong-a jean Isolnisa ong-a (**Levirangni 27:30**). Jensalo na-a bak-chikkungni bak-sako on-a, na-a Unasa on-enga. Uni mondolina nang-ni on-gipa tangkarangna simsakna gita Isolara chu-soksranggipa ong-a. Nang-ni dakna nanggnide uko on-anisan ong-aia. Jemangan Una on-gipa tangka paisarangko jakkalsretengachim, uamangko jeba dakchina Isolna pakwataibo.

2. Anga namen gisiko suk ong-ja maina anga tangka paisana neng-nikani a-sel bak-chikkungni bak-sani nalsao bang-gija tangkarangkosan on-pana gita man-paia. Angara maiko dakna man-gen?

Aganchakani: Na-a nang-ni dakna ama gimikchi dakenga ong-ode nang-ni on-enggipa tangkarang bang-a ba bang-gijani gamchatgipa ong-ja. **Mark 12:41-44** ni bang-gijakosan (pun kapgni) on-gipa, kangal segri me-chikni gimin Jisu indake agana, "Tangka donchakanio pilak dongiparangna bate, ia kangal segri bang-bate donaha." Maina gipinrang "an-tangtangni agitchaaoniko donaha, indiba ua an-tangni chu-onggijaoniko uni pilakkon ... donaha." Isol an-chingni on-anirangko, an-ching baditana kingking on-kanga aro maiko chanchie on-enga uarangchisa toa. Jisu nang-ni on-anirangko dal-en chana. Ka-sroka ngang on-bo aro Jisu katchaen chu-ongnika ine u-ie ra-bo. **2 Korinthingna 8:12** ko didianiko man-a poraibo.

3. Angni tangka paisarangko namedake jakkalana agre nokkol pamongni kamranga gipinrango bak dongjama?

Aganchakani: Donga. Nokkol pamongni dakna nanggniranga, an-chingna pilakkon on-gipa Isoloniko (**Watatarang 17:24, 25**) an-chingni man-gimin changa sapani aro pilak pattianirangko namedake jakkalanirangoba bak donga. An-chingni janggi tanganion ua bak donga! Isolni an-chingna on-gipa gamrangni kakketgipa nokkol pamongni dakna nanggnira an-chingni somoirangko jakkalanikoba man-chapa:

- A. Isolni an-chingna on-gipa kamrangko ka-ani (**Mark 13:34**).
- B. Bimchipe Kristona sakkiko on-ani (**Watatarang 1:8**).
- C. Sastroko poraiani (**2 Timothy 2:15**).
- D. Isolo bi-ani (**1 Thessalonikarangna 5:17**).
- E. Nanggiparangna dakchakani (**Mati 25:31-46**).
- F. An-chingni gital dake janggi tanganiko Jisuna salantio on-kangani (**Romrangna 12:1, 2; 1 Korinthingna 15:31**).



4. Mitam skiprakgiparangnara bang-a tangkaranko on-jama?

Aganchakani: Oe. Pilak toromo dilgiparangni man-gnirangkon mitam toromko dilgiparangchi ia somiode komiatengaha. Ian Jisuni bimungni kosako ra-chakgijaniko ra-baa. Iako dakanichi, mondoli aro uni kam ka-anirangoni hajal manderangko namen namnikgija ong-ate ong-katatanga. Uandagkipa dilgiparang bichalni somoio batanggimin salrango uamangni namgijako dakanina namen saknabegipa salko mikkangchakna nanggen.

Bon-kaman Somoini Isolni Dongpitigipa Mondolini Dilgiparang

Indioba, bon-kaman-somoini Isolni dongpitigipa mondolio,arang dilgiparanga dugaa bang-e tangka paisarangko man-ja. Adita somoirangna kamrangko ka-ani ja-mano, uamangni kam ka-ani gadang ba uamangni mondolini dal-a ba chonani kri apsan apsan dake tangka paisarangko man-a (ja anti bang-gija tangkarangkosan man-ia). Bang-a changrangan, pamongrangni man-gnina chu-ongdapatna ine uamangni jikgiparang bajar antitamrangko kamrangko ka-toka.

5. Bak-chikkungni bak-sako anga on-na man-jaora mai ong-gen?

Aganchakani: Isol indake agana, an-ching Uko skang dongenchimode an-chingni nanganirangko an-ching man-ahama man-kujaenga uarangko Ua nigen (**Mati 6:33**). Uni hisapanirang manderangni chanchianirang baksa pangnan dingtanga. Uni miksongani ning-o, bak-chikkungni bak-sako on-ani ja-mano dongrikigipa tangkarang Uni pattiani gri chu-gimikgipa tangkarangna bate jakkalanio chu-ongbatgipa ong-gen!

Nang.ni agananiko ba sing.anirangko iano sebo



15



16



17



18



19



20



21



22



23



24



25



26



27

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjawa

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **“Tithe” ingipa kattani ortoara “chikkunggipa” ine ong-a. (1)**
Ong-a. Ong-ja.
2. **Tithe ba bak-chikkungni bak-sara Abachengaonin Isolnin ong-a. (1)**
Ong-a. Ong-ja.
3. **Angni man-giminoniko bak-chikkungni bak-sa gimikko anga Isolna on-pilkuja skal ang uko on-kujaenga. (1)**
Ong-a. Ong-ja.
4. **Jisu bak-chikkungni bak-sako on-pilchina didia. (1)**
Ong-a. Ong-ja.
5. **Ka-mao sulsul segiminrangoni an-tangni ska gita on-a bidingo Sastroni gita badiarang ong-a? (5)**
Nang-o je gitichae donggipako on-bo.
Ka-sroke on-bo.
Bang-e bang-e on-bo.
On-bo jedakode na-a dongtogen.
Isolni nang-ko siloroata gitan ukoba on-bo.
Ra-chakanina bate on-anion bang-bate pattiani donga.
Nang-ni on-anirangna bate Isol nang-na bang-bate on-pilskagen.
Nang-ni on-na sko uko on-bo.
Manderang nang-ko alaksi ine chanchijana gita uko on-bo.
6. **Sastroni gita, Isolni nama kattana dangdikenggiparangni man-gnini ja-pangara badiagipa? (1)**
Bingo games ba tangkana kal-anirangko kal-ani.
Cakerangko tarie palani.
On-anirangko boldolgrikigipa kal-ani.
Raffles ba rasongni ticketrangko breani ba kal-ani.
Bak-chikkungni bak-sa.
7. **Mosena skang bak-chikkungni bak-sako Isolna on-pilgipa Niam Gitichamni pagitchamrangko ia Poraiani o ja-napgiparangara sawarang? (2)**
Adam
Jakob
Noa
Isak
Abraham
Methusela
8. **Malaki 3:8ni gita, bak-chikkungni bak-sako aro on-anirangko on-gijagipa manderangara badiagipa papko daggipa dolo ga-aka? (1)**
Mite olakkigipa
Sabbath ba Neng-takani Salko pe-gipa
Mande so-otgipa
Togie ba ra-seke ra-gipa
9. **Sastroni lbrirangna ki-tapo seani gita, jensalo an-ching bak-chikkungni bak-sako on-engon, sawasa an-chingni tangkarangkoa man-soa? (1)**
Pamong
Nanenggiparang
Jisu, an-chingni Dal-gipa Kamal
10. **2 Timothy 3:1-7ni gita, bon-kamgipa salrangni paprangoni pap mingsa jean manderangko Isolni songnokona doaniko champenggipara mikbokrakanian ong-a. (1)**
Ong-a. Ong-ja.
11. **Isolni bandalona bak-chikkungni bak-sako ra-baani miksonganiara (1)**
Toromni ki-taprangko brena jakkalani ine ong-a.
Maiba toRomrangna janggi tanganiko namdapatna ine ong-a.
Isolni mondolini gam donchakramona ra-baani ine ong-a.

12. **Malaki 3:10 o bak-chikkungni bak-sako kakkete on-gipana Isol mai ku-rachakaniko daka? (1)**

Ua mande pangnaba sawawa.

Ua mande pangnaba an-tangni kamko gimaatjawa.

Uni ra-chakna amana batpile ua pattianirangko man-gen.

13. **Isol dake nianiko, Adam aro Hobana biteko cha-anio donaha. Ia Poraiani o seani gita, maia apsan dakgipa dake nianiko ia somoio Ua An-tangni manderangna donaha? (1)**

Salantio Sastroko poraianiko.

Bak-chikkungni bak-sako on-pilaniko.

Sakki on-aniko.

Isolo bi-aniko.

14. **Bak-chikkungni bak-sako on-ania Moseni niamni bak ong-a, jean chisolon bon-chongdikaha. (1)**

Ong-a.

Ong-ja.

15. **Angni on-anirangko Isola maichi hisapa? (2)**

Anga badita tangkarangko on-a uachi.

Anga baditana on-kanganiko daka uachi.

Jekon anga on-an baksana chanchianichi.

16. **Kakketgipa nokkol pamongni kamara tangka paisarangko name jakkalani mangmango bak dongaia ong-ja, indiba uan somoiko Isolo bi-anio, sakki on-anio, Sastroko poraianio, aro sakgipinrangko dakchakanio jakkalanioba bak donga. (1)**

Ong-a.

Ong-ja.

17. **Anga bak-chikkungni bak-sa aro on-anirangko on-na a-bachengna skengaha.**

Oe, skengaha.

Sikja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :					
Nang.ni Email :					
Phone Number :					
Nang.ni Address :					
City, District :		State :		Country :	
Pin :		Bilsil :		Misi :	

Nang.ni contact info-ko tik dake on.bo